



Broj: 01-49-2142-2/19

Datum: 24.10.2019.godine

Na osnovu člana 100. Stav 3. Zakona o javnim nabavkama BiH („Službeni glasnik BiH“ broj 39/14), a u vezi sa članom 231. Stav 1. Zakona o upravnom postupku („Službene novine F BiH, broj 2/98), rješavajući po žalbi DOO „Protehnik“ Istočno Sarajevo, na tendersku dokumentaciju u postupku javne nabavke „Izrada Idejnog projekta centralnog postrojenja za prečišćavanje otpadnih voda (PPOV) grada Maglaja sa dijelom prigradskih naselja i glavnim kolektorima za razmatrani obuhvat“, Obavještenje o nabavci broj:1140-7-2-39-3-54/19 od 21.10.2019. godine, ovlašteno lice ugovornog organa Načelnik općine Maglaj, d o n o s i

Rješenje o usvajanju žalbe

I Usvaja se žalba izjavljena od strane DOO „Protehnik“ Istočno Sarajevo na tendersku dokumentaciju u postupku javne nabavke „Izrada Idejnog projekta centralnog postrojenja za prečišćavanje otpadnih voda (PPOV) grada Maglaja sa dijelom prigradskih naselja i glavnim kolektorima za razmatrani obuhvat“, Obavještenje o nabavci broj: 1140-7-2-39-3-54/19 od 21.10.2019. godine.

II Ovo Rješenje je osnov za preduzimanje radnje ispravljanja od strane Ugovornog organa i izmjenu u okviru tenderske dokumentacije broj: 01-49-2142-1/19 od 18.10.2019. godine.

III Ugovorni organ će o preduzetoj radnji ispravke izmjenom tenderske dokumentacije putem portala javnih nabavki obavjestiti sve potencijalne učesnike o nastavku predmetnog postupka, te će ovo rješenje biti objavljeno i na web stranici Ugovornog organa.
Rješenje stupa na snagu danom donošenja.

Obrazloženje

Postupak javne nabavke „Izrada Idejnog projekta centralnog postrojenja za prečišćavanje otpadnih voda (PPOV) grada Maglaja sa dijelom prigradskih naselja i glavnim kolektorima za razmatrani obuhvat“ objavljen je na portalu javne nabavke 1140-7-2-39-3-54/19 dana 21.10.2019. godine. Procjenjena vrijednost javne nabavke bez 24.000,00 KM., a postupak se provodi putem konkurentskog zahtjeva za dostavljanje ponud.

DOO „Protehnik“ Istočno Sarajevo je dana 23.10.2019. godine putem maila uložilo žalbu ugovornom organu na tendersku dokumentaciju u predmetnom postupku.

Ugovorni organ konstatuje da je žalba blagovremena, dopuštena i izjavljena od ovlaštenog lica.

U žalbi žalitelj ističe da je neprimjereno kratak rok za predaju ponuda, od svega tri dana što ograničava stvarnu konkurenciju i onemogućava ponuđače da pripreme ponudu i učestvuju u predmetnom postupku javne nabavke.

Takođe dalje ističe da se u roku od tri dana onemogućava i formiranje grupe ponuđača budući da je nemoguće u tako kratkom roku ovjeriti dokumentaciju svih članova te utvrditi da li grupa kao cjelina ispunjava uslove u pogledu tehničko-profesionalne sposobnosti koji su propisani tenderskom dokumentacijom..

Ističu da „ugovorni organ u tački 3.1.zahtjeva da svaki član grupe dostavi original ili ovjerenu kopiju rješenja o registraciji ili aktuelni izvod.listu A-ovlaštenje Federalnog ministarstva poljoprivrede....“.

Predlažu da se produži rok za dostavljanje ponuda za minimalno 10 dana.

Navodi u ovom dijelu su osnovani, te je ugovorni organ produžio rok za dostavljanje ponuda **do 01.11.2019. godine** .

Dalje u žalbi navode da je u tački 3.1. traženo da se dostavi A lista izdata od Federalnog ministarstva poljoprivrede, vodoprivrede i šumarstva,

- Ovlaštenje od Federalnog ministarstva prostornog uređenja za obavljanje djelatnosti projektovanja ove vrste izrade građevinsko-hidrotehničkih projekata, gdje original ili ovjerenu kopiju treba da dostavi svaki ponuđač.

Dalje se u žalbi pozivaju na mišljenje Agencije za javne nabavke gdje je navedeno da se tražena ovlaštenja ne mogu zahtjevati kao dokaz sposobnosti za obavljanje profesionalne djelatnosti već isključivo kao uslov za potpisivanje ugovora. Ističu da je nejasno ukoliko grupa ponuđača dostavlja ponudu da li svaki član mora posjedovati tražena ovlaštenja, što bi bilo u suprotnosti kada je u pitanju tehnička i profesionalna sposobnost ponuđača u dostavljanju jednog seta dokumenata.

Predlažu da se navedeno ovlaštenje zahtjeva kao uslov za zaključivanje ugovora, a ne kao uslov za obavljanje profesionalne djelatnosti.

Navodi su osnovani, te je potrebno da svaki ponuđač dostavi **izjavu** da posjeduje tražena ovlaštenja, a ponuđač koji bude odabran kao najpovoljnije će biti dužan da **dostavi original ili ovjerenu kopiju**, tako da će se mjenjati tačka 3.1. Sposobnost obavljanja porofesionalne djelatnosti (čl.46).

Takođe ukoliko ponudu dostavlja grupa ponuđača, dovoljno je **da jedan član grupe posjeduje** tražena ovlaštenja.

Dalje ističu da je u tački 3.5.tražena izjava ponuđača o uspješno izvršenim uslugama u posljednje dvije godine na istim ili sličnim poslovima (2017. i 2018. godinu) u minimalnom iznosu od 24.000,00 KM bez PDV.-a, odnosno jedan ugovor sa izradom PPOV sa anaerobnom tehnologijom, dok se kao dokaz u tački 4. Pod f) traži potvrda druge ugovorne strane o uspješnoj realizaciji.....ili kopija ugovora iz kojih se nedvosmisleno može vidjeti da se radi o predmetnim poslovima odnosno jedan ugovor sa izradom (PPOV) sa anaerobnom tehnologijom

Smatraju da je potrebno postupiti u skladu sa članom 48. Stav 2. ZJN te kao dokaz tražiti spisak izvršenih ugovora sa potvrdom koju izdaje druga ugovorna strana.

Žalbeni navodi su osnovani, te će ponuđač koji bude odabran kao najpovoljniji u ovom postuku javne nabavke u svrhu dokazivanja činjenica biti dužan dostaviti Spisak izvršenih ugovora na istim ili sličnim poslovima uz Potvrdu druge ugovorne strane o uspješnoj realizaciji ugovora, u posljednje tri godine (2016.2017. i 2018. Godina) u minimalnom izosu od 24.000,00 KM, bez PDV-a, dok će svi ponuđači biti dužni da dostave izjavu o uspješno izvršenim istim ili sličnim poslovima koji su predmet javne nabavke u posljednje tri godine (2016.2017. i 2018. Godinu) u minimalnom izosu od 24.000,00 KM, bez PDV-a

Objavom izmjene tenderske dokumentacije svi potencijalni ponuđači/kandidati će biti obavješteni o nastavku postupka konkurentskog zahtjeva za dostavljanje ponuda za pružanje Izrada Idejnog projekta centralnog postrojenja za prečišćavanje otpadnih voda (PPOV) grada Maglaja sa dijelom prigradskih naselja i glavnim kolektorima za razmatrani obuhvat“

Na osnovu izloženog a u skladu sa čl.100. stav 3. Zakona o javnim nabavkama BiH, a u vezi sa članom 231. Stav 1. Zakona o upravnom postupku („Službene novine F BiH, broj 2/98), i odlučeno kao u dispozitivu ovog rješenja.

Pouka o pravnom lijeku:

Protiv ovog rješenja može se izjaviti žalba Uredu za razmatranje žalbi, u roku od 5 dana od dana prijema Zaključka

Žalba se podnosi u tri primjerka kako bi mogla biti uručena izabranom ponuđaču, Uredu za razmatranje žalbe i Ugovornom organu.

Žalba se podnosi neposredno URŽ-i , u pisanoj formi, direktno ili putem preporučene poštanske pošiljke.

Dostavljeno :

- 1.Ponuđači
- 2.U spis.



